

Powšitkowne WOZJEWJENJA

njedźelu, 17. februara 2013

Swjedźenska akademija TCM a Maćicy Serbskeje

Składnostnje 150. róčnicy založenja Towarstwa Cyrila a Metoda z.t. (TCM) a přenjeho wudaća Katolskeho Posoła budže sobotu, 23. februara, w 14.30 hodź. swjatočne počesćenje serbskich wótčincow na Budyskim Mikławšku. Nyšporej, na kotrymž so rowy wótčincow požohnuja, přizamknje so swjedźenska akademija w Serbskim muzeju, na kotruž TCM a Maćica Serbska zhromadnje wšitkich svojich člonow a hosći wutrobnje přeprašujetej. Prěni přednošk w 15.45 hodź. (po swačini) změje šefredaktor Katolskeho Posoła, Bačoński farar Gerat Warnar, k 150lětnym stawiznam TCM a wuchadženja Katolskeho Posoła. Rěčnym formam hornjoserbsčiny a wuznamej Katolskeho Posoła za zdźerženje serbskeje rěče budže so dr. Leńka Šoćic z Konstanca w swojim přednošku wěnować. Z diskusiju akademija wuklinči.

Putnikowanje Serbow na Morawu

Składnostnje 1.150. róčnicy přichada swjateju Cyrila a Metoda na Morawu planuje Towarstwo Cyrila a Metoda z.t. (TCM) wot štwórtka do njedźele, 4. do 7. julija, putnikowanje wěriwych ze serbskich wosadow na Velehrad. Na swjatočnu Božu mšu pjatk, 5. julija, je tež bamž přeprašeny. Nadrobnije informacije so hišće wozjewja. Płaćizna wučinja z połpensiju dohromady 195 eurow. Štóž ma zajim, so na tutym putnikowanju na Morawu wobdźělic, njech so w redakciji Katolskeho Posoła přizjewi, telefonowe čisło (0 35 91) 55 02 12.

„Tam so dótkatej njebo a zemja ...“

Lětuši rjad ekumeniskich póstnych seminarow w Smochčanskim Domje biskopa Bena steji pod hesłom „Tam so dótkatej njebo a zemja ...“. Póndźelu, 18. februara, porěčitaj dr. Frank Schmidt a dr. Walther Zahner k temje „Potajnstwo zwuraznić“. Tydžeń pozdžišo, 25. februara, budže awtor a žurnalist Jürgen Israel k temje „Njewuprajomne zwuraznić“ přednošować. Třećeje temje „Zwonka wšěch wobrazow molować“ wěnujetej so póndźelu, 4. měrca, Sylvia Vandermeer a Ralf Reimann. Z literariskim programom „Štó da trjeba jandžela?“ z „Theaterkompanie Leipzig“ so póndźelu, 11. měrca, lětuši rjad póstnych seminarow zakonči. Započatk je stajnje w 19.30 hodź. Mjez sobuzarjadowarjami je Towarstwo Cyrila a Metoda z.t.

Zhromadny dzeń za 1. a 2. lětnik

Pod hesłom „Nowy spočatk“ přeprašuje Dekanatne dušepastyrstwo šulerki a šulerjow 1. a 2. lětnika sobotu, 16. februara, wot 9 do 15 hodź. na zhromadny dzeń do Don Boskoweho domu we Worklecach. Zajimcy njech so prošu hač do wutory, 12. februara, pod telefonowym čisłom (03 57 96) 8 87 07 we Worklecach přizjewja. Za wudawki dnja zhromadzi so wot kóždeho wobdźělnika přinošk we wysokosci třoch eurow.

Zhromadny dzeń za 3. a 4. lětnik

Pod hesłom „Počas“ přeprašuje Dekanatne dušepastyrstwo dźěci 3. a 4. lětnika na zhromadny dzeń sobotu, 9. měrca, wot 9 do 15 hodź. do Don Boskoweho domu we Worklecach. Zajimcy njech so prošu hač do wutory, 5. měrca, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdźělnika přinošk we wysokosci třoch eurow.

Swjaty mision w Radworju

„Wótče naš“ – žiwy byc a wěrić w počahach“ rěka tema swjateho misiona lětsa w Radworju. Tute dny wobnowjenja a pohłubšenja we wěrje budžeja wot srjedy, 20. februara, hač do njedźele, 3. měrca. Tež wěriwi z druhich wosadow su wutrobnje na swjaty mision w Radworskej wosadže přeprošeni. Konkretny přehlad je w interneće pod www.posol.de wozjewjeny.

Młodžina za křižom z Kukowskeho hrodzišća přez póstny čas

W póstnym času su młodostni lětsa přeprošeni so při křižu z Kukowskeho hrodzišća schadźować k modlenju a rozpominanju. Křiž bu lěta 1984 na Kukowskim hrodzišču postajeny a zwjazuje wot toho časa wosebje młodžinu ze zbóžnym martrarjom, kapłanom Alojsom. Po tym, zo křiž přez naše wosady scěhujemy, chcemy jón zaso na nasypje Kukowskeho hrodzišća postajić. Naš póstny puć zahajimy w Ralbicach, hdžež so křiž tuchwilu česćuje. Zakónčić budžemy póstny puć z křižowym pućom dekanatneje młodžiny bołmončku w Chróscicach. Tam křiž nachwilnje wostanje, doniž jón na hrodzišćo njedonjesemy.

Přehlad zarjadowanjow w póstnym času

- sobotu, 16. februara**, w 19.30 hodž., Ralbicy, nawjes
start a přewod křiža z awtami a motorskimi do Salowa, tu je w 20.00 hodž. komplet,
po tym zetkanje w klubje
- sobotu, 23. februara**, w 19.30 hodž., Salow, kapałka
start a přewod křiža z awtami a motorskimi do Pěskec, tu je w 20.00 hodž. komplet
- sobotu, 2. měrca**, w 19.30 hodž., Pěskecy, kapałka
start a přewod křiža z awtami a motorskimi do Worklec, tu je w 20.00 hodž. komplet,
po tym zetkanje w Don Boskowym domje
- sobotu, 9. měrca**, w 19.30 hodž., Worklecy, kapałka
start a přewod křiža z awtami a motorskimi do Zdžěrje, tu je w 20.00 hodž. komplet
- sobotu, 16. měrca**, w 19.30 hodž., Zdžěr, cyrkej
start a přewod křiža z awtami a motorskimi do Dobrošic, tu je w 20.00 hodž. komplet,
po tym modlenje před Najswjećišim
- sobotu, 23. měrca**, w 19.30 hodž., Dobrošicy, kapałka
start a přewod křiža z awtami a motorskimi do Chróscic, tu je w 20.00 hodž. komplet,
po tym přiležnosć k swjatej spowědži
- njedźelu, 24. měrca**, w 14.00 hodž., Chróscicy – křižowy puć dekanatneje młodžiny
Farar Měrcin Deleńk, dekanatny młodžinski dušepastyr

Zhromadne posćenje

Sonja Hrjehorjowa poskićuje tež lětsa w Sulšecach zhromadne dny posćenja. Přeni kurs – přewažnje němsce – započnje so wutoru, 26. februara, a skónči so pónđzelu, 4. měrca, z łamanjom posćenja. Druhi kurs – přewažnje serbsce – budže wot srjedy, 6. měrca, hač do wutory, 12. měrca. Naprašować a přizjewić móža so zajimcy hač do srjedy, 20. februara, pola Sonje Hrjehorjoweje, Sulšecy 42, 02997 Kulow, telefonowe čisło (03 57 25) 7 05 60.

Pěši do Częstochowy

Tež lětsa pozbudža farar Beno Jakubaš, so w serbskej skupinje na putnikowanje z Waršawy do Częstochowy podać. Hić smě kóždy sobu, kotryž je 18. žiwjenske lěto docpěł. Termin putnikowanja je wot 5. do 15. awgusta. Zajimcy njech so bórze přizjewja pola fararja Bena Jakubaša w Njebjelčicach, telefonowe čisło (0 35 78) 30 20 05.

„Hdyž rentnarjo zapřimnu“

Chróšćanska serbska lajska dźiwadłowa skupina přeprošuje na předstajeni kriminalneje komedije „Hdyž rentnarjo zapřimnu“. Wonej budžetej sobotu, 23. februara w 15.30 hodž. w Chróscicach na Krawčikec žurli a posledni raz njedźelu, 24. februara, w 15.30 hodž. w Radworskej „Meji“.